

^a Beda lib. i. c. 4.

^b Idem lib. i. c. 4.

ab his expetendam solum veram conuersionem, veræque fidei professionem, qua Nestorium cum omnibus sequacibus suis, & reliquas hæreses anathematizarent. At his obstare videtur quantum ad Armacham Beda hæc de Hybernia scribens: [Habere autem solet ipsa Insula Rectorem semper Abbatem Presbyterum, cuius iuri, & omnis prouincia, & ipsi etiam Episcopi ordine inusitato debeant esse subiecti, iuxta exemplum primi Doctoris illius, qui non Episcopus sed Presbyter extitit & Monachus.] Certius addam horum omnium Primatem, si non Metropolitam, Cantuariensem Episcopum fuisse, vt legitur apud eundem Venerabilem Bedam^b, dum hæc de Laurentio ait: [Successit autem Augustino in Episcopatu Laurentius, qui non solum nouæ, quæ de Anglis erat collecta, Ecclesiæ curam gerebat, sed & veterum Britanniarum incolarum, nec non & Scotorum, qui Hyberniam insulam Britanniarum proximam incolunt, populis, pastorem impendere sollicitudinem curabat.]

Cæterum quæ ibi fuerint antiquæ Sedes Episcopales certò dici non potest: cum nullius ex ijs mentio fiat apud priscos historiæ scriptores. Nunc in ea quatuor Archiepiscopi, Armachanus, qui etiam totius Hybernæ Primas est; Dublinensis, Cassiliensis, & Tuamensis: quorum authoritati subiunguntur sequentes Episcopatus iuxta Camdenum.

*Archiepiscopo Armachano totius
Hybernæ Primati subsunt.*

Midensis vel Elnamirand.
Dunensis, aliàs Dundalethglas.
Clochorësis, aliàs Lugūdunensis.
Connerensis.
Ardachadensis.
Rathbotensis.
Rathlucensis.
Daln-liguiensis.
Dearriensis.

Archiepiscopo Dublinensi parent.

Glendelacensis.
Fernensis.
Offeriensis, aliàs De Canic.
Leclinenensis.
Kil-darenensis, aliàs Darenensis.

Archiepiscopo Cassiliensi subsunt.

Laoniensis de Kendalnam.
Limnicensis.
De Insula Gathay.

De Cellumabrath.

Melicensis vel de Emileth.

Rosliensis, aliàs Roscreenensis.

Waterfordiensis aliàs de Batilfordian.

Lismorensis.

Clonensis, aliàs de Cluanania.

Corcagiensis.

De Rosalither.

Ardefertensis.

Archiepiscopo Tuamensi subiunguntur.

Duatenensis, aliàs Killmacduoc.

De Mageo.

Enachdunensis.

De Cellaiaro.

De Rosconnon.

Clonfertensis.

Achadensis.

Ladensis, aliàs Killaleth.

De Conany.

De Killmunduach.

Elphinensis.